

**“Andijon biokimyo zavodi” АЖНИНГ
2022 йил 30 июндаги акциядорларнинг йиллик
умумий йифилиши қарори билан
“ТАСДИҚЛАНГАН”**

**“Andijon biokimyo zavodi” акциядорлик жамиятининг
“ИЖРОИЯ ОРГАНИ ТЎҒРИСИДА” ги
НИЗОМИ**

Андижон шахри 2022 йил.

I. УМУМИЙ ҚОИДАЛАР

1.1. Мазкур Низом “**Andijon biokimyo zavodi**” акциядорлик жамиятининг ижроия органи мақомини белгилайди ва уни ишини, аъзоларини тайинлаш тартибини, шунингдек хар бир аъзосининг ҳуқуқ ва мажбуриятларини тартибга солади.

1.2. Низом “Акциядорлик жамиятлари ва акциядорларнинг ҳуқуқларини химоя қилиш тўғрисида”ги Ўзбекистон Республикаси Конунига, акциядорлик жамиятлари фаолияти самарадорлигини ошириш ва корпоратив бошқарувни такомиллаштириш бўйича Комиссия йиғилишининг 2015 йил 31 декабрдаги №9 сонли баёни билан тасдиқланган Корпоратив Бошқарув кодекси ҳамда “**Andijon biokimyo zavodi**” акциядорлик жамияти (кейинчалик жамият) уставига мувофиқ ишлаб чиқилган.

II. ИЖРОИЯ ОРГАНИНИ ТУЗИШ ТАРТИБИ

2.1. Жамиятнинг кундалик фаолиятига раҳбарлик қилиш коллегиал ижроия органи яъни жамият бошқарув раиси ва унинг 4 нафар асосий тузилмавий хизматлари ва бўлинмаларининг раҳбарлари томонидан амалга оширилади.

2.2. Акциядорлик жамиятининг ижроия органи раҳбари ва унинг шахсий таркиби жамият кузатув кенгаши томонидан сайланади (тайинланади).

Бунда ижроия органи раҳбарини (бошқарув раисини) сайлаш (тайинлаш), қоида тариқасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.

2.3. Ижроия органи раҳбари (бошқарув раиси)ни тайинлаш учун танлов ўтказиш тартиби кузатув кенгаши томонидан белгиланади.

Агарда, жамият ижроия органи раҳбари (жамият бошқарув раиси)ни сайлаш(тайинлаш) масаласи акциядорларнинг умумий йиғилиши кун тартибига киритилган тақдирда, акциядорлар вакили сифатида иштирок этувчи ижроия органи аъзолари, ижроия органи раҳбарини сайлаш масаласида овоз беришда иштирок этмайди ва овозлари хисобга олинмайди.

2.4. Жамият ижроия органи аъзоларининг, шу жумладан бошқарув раиси, ҳуқуқ ва мажбуриятлари тегишинча қонун ва бошқа қонун хужжатларида, мазкур уставда ҳамда уларнинг ҳар бири жамият билан 3 йил муддатга тузиладиган меҳнат шартномасида белгиланади.

Шартнома жамият номидан жамият кузатув кенгашининг раиси ёки кузатув кенгаши ваколат берган шахс томонидан имзоланади.

2.5. Жамият ижроия органи аъзоларининг, шу жумладан бошқарув раиси билан тузиладиган шартномада уларнинг жамият фаолияти самарадорлигини ошириш бўйича мажбуриятлари ҳамда жамиятнинг йиллик бизнес режасини бажариш қандай бораётганлиги юзасидан акциядорларнинг умумий йиғилиши ва жамият кузатув кенгаши олдида берадиган ҳисботларининг даврийлиги назарда тутилиши керак.

2.6. Кузатув кенгаши қўйида келтирилган холатларда (ёки холатларнинг бирида) жамиятнинг ижроия органи раҳбари ва аъзолари билан тузилган шартномаларни муддатидан олдин бекор қилиш ҳуқуқига эга:

ижро этувчи органнинг ҳаракатлари (ҳаракатсизлиги) туфайли жамиятга зарар етказилган бўлса;

жамият устави ва ички хужжатларини, улар томонидан қўйул бузилишларга йўл қўйилганда;

ижро этувчи органнинг самарадорлиги кетма-кет икки чорак мобайнида қониқарсиз ёки паст даражада (ҳар қандай уйғунликда) бўлса;

жамият йиллик бизнес режасининг тасдиқланган параметрлари бажарилиши барбод қилинса.

2.7. Жамиятнинг ижроия органи аъзоларининг (шу жумладан бошқарув раисининг) шартномаларини амал қилиш муддатини узайтириш, шартномаларни қайта тузиш ёки уларни бекор қилиш кузатув кенгаши томонидан амалга оширилади.

III. ИЖРОИЯ ОРГАНИНИНГ ТАРКИБИ

3.1. Жамият ижроия органи аъзоларининг сони беш кишидан иборат. Ижроия органи таркибига жамиятнинг бошқарув раиси ҳамда асосий тузилмавий хизматлари ва бўлинмаларининг раҳбарлари киради ва улар қуидагилар:

жамият бошқарув раиси;

бошқарув раисининг биринчи ўринbosари, ишлаб чиқаришда маҳаллийлаштириш, саноатда кооперация алоқаларини кенгайтириш ҳамда ахборот технологиялари масалалари бўйича директор.

маркетинг ва савдо бўйича директор;

бош хисобчи;

бош технолог.

3.2. Ижроия органи раҳбари бошқарув раиси ҳисобланади.

3.3. Ижроия органи раҳбари ва аъзолари, лавозим йўриқномасида белгилаб берилган ваколатлар, улар билан меҳнат шартномалари шартлари, акциядорларнинг умумий йиғилиши, жамият кузатув кенгашининг, ижроия органининг қарорлари ва ижроия органи раҳбарининг кўрсатмалари доирасида иш тутади.

IV. ИЖРОИЯ ОРГАНИНИНГ ВАКОЛАТЛАРИ

4.1. Жамиятнинг кундалик фаолиятига раҳбарлик қилиш коллегиал ижроия органи яъни жамият бошқарув раиси ва унинг 4 нафар асосий тузилмавий хизматлари ва бўлинмаларининг раҳбарлари томонидан амалга оширилади.

4.2. Жамият ижроия органинг ваколатларига қуидагилар киради:

устав ва жамият кузатув кенгаши томонидан ўзига берилган ваколатларга мувофиқ жамиятнинг ишига раҳбарлик қилиш;

акциядорлар умумий йиғилишининг ва жамият кузатув кенгашининг қарорлари бажарилишини ташкил этиш;

ишлаб чиқарилаётган маҳсулотларни сотиш, бажарилаётган ишларни ҳамда хизмат кўрсатилаётган нархларини тасдиқлаш;

жамиятнинг акциядорлар умумий йиғилишининг ёки кузатув кенгашининг ваколатларига киритилмаган ички меъёрий хужжатларини тасдиқлаш бўйича қарорлар қабул қилиш;

жамият фойдасини тақсимлаш тўғрисидаги тавсияни тайёрлаш учун кузатув кенгашига таклифни киритиш;

жамиятнинг ишчи хизматчиларини рағбатлантириш жамият томонидан ишлаб чиқилган рағбатлантириш низомига асосан амалга оширилади;

бошқарув раиси томонидан киритилган масалаларни ҳал этиш.

4.3. Жамиятнинг ижроия органи мажлисларини ўтказиши бошқарув раиси ташкил этади, у жамият номидан барча хужжатларни ҳамда жамият ижроия органи мажлиси баённомаларини имзолайди, жамиятнинг ижроия органи ўз ваколат доирасида қабул қилган қарорларга мувофиқ жамият номидан ишончномасиз иш юритади.

4.4. Жамият ижроия органи мажлислари унинг раиси томонидан заруриятига кўра ижроия органининг бошқа аъзоларига ҳабар бериш йўли билан чақирилади.

4.5. Жамиятнинг ижроия органи мажлиси кворуми мавжуд бўлган тақдирда жамият ижроия органи ваколатли бўлади. Ижроия органи мажлисини ўтказиш учун кворум ижроия органи аъзолигига сайланган аъзоларнинг камида олтмиш фоизи иштирок этганида кворум ҳисобланади.

4.6. Ижроия органининг мажлисида қарорлар агар қонун хужжатларида ўзгача қоидалар назарда тутилмаган бўлса, мажлисда ҳозир бўлганларнинг кўпчилик овози билан қабул қилинади.

4.7. Жамият ижроия органи мажлисида масалалар ҳал этилаётганда ижроия органининг ҳар бир аъзоси битта овозга эга бўлади. Ижроия органининг бир аъзоси ўз овозини ижроия органининг бошқа аъзосига беришга йўл қўйилмайди. Ижроия органи аъзоларининг овозлари teng бўлинган ҳолларда ижроия органининг қарорини қабул қилишда жамият бошқаруви раисининг овози ҳал қилувчи овоз ҳисобланади.

4.8. Жамият ижроия органининг мажлисида баённома юритилади. Ижроия органи мажлисининг баённомаси мажлис ўтказилганидан сўнг уч кундан кечиктирмай тузилади. Мажлис баённомасида қуидагилар кўрсатилади:

мажлис ўтказилган сана, вақт ва жой;

мажлиса ҳозир бўлган шахслар;

мажлиснинг кун тартиби;

овоз беришга қўйилган масалалар, улар юзасидан ўтказилган овоз бериш якунлари;

қабул қилинган қарорлар.

4.9. Ижроия органи мажлисининг баённомаси ёки унинг кўчирмаси бошқарув раиси томонидан имзоланади, у мажлис баённомаси тўғри расмийлаштирилиши учун жавобгар бўлади.

4.10. Жамият бошқаруви раисининг ваколат доирасига қуидагилар киради:

ўз ваколатлари доирасида жамиятнинг самарали ва баркарор ишини таъминлаган ҳолда унинг жорий фаолиятига раҳбарликни амалга ошириш;

жамият номидан ишончномасиз иш юритиш, шу жумладан унинг манфаатларини ифодалаш;

жамият номидан битимлар тузиш (жамиятнинг кундалик фаолияти билан боғлиқ бўлмаган, йирик битим хисобланмайдиган мол-мулк ва асосий воситаларини сотиб олиш ёки бегоналаштириш билан боғлиқ битимлар бундан мустасно);

жамият кузатув кенгашининг розилигига кўра унинг ишида маслаҳат овози билан иштирок этади;

жамиятнинг филиали ёки ваколатхонаси раҳбарини тайинлайди;

штатларни белгилайди, жамият ходимларини ишга қабул килади, улар билан меҳнат шартномаларини тузади ва бекор қилади ва уларга нисбатан интизомий жазо чораларини қўллайди, ходимлар томонидан меҳнат ва ижро интизомини сақлаб туришини таъминлайди;

жамиятнинг таркибий бўлинмалари тўғрисидаги низомлар, ходимларнинг лавозим йўриқномаларини тасдиқлайди;

жамият номидан амалдаги қонунчиликка асосан ишончномаларни беради;

жамиятнинг барча ходимлари томонидан бажарилиши мажбурий бўлган буйруқлар чиқаради ва кўрсатмалар беради;

жамиятнинг ички меъёрий хужжатларини тасдиқлайди;

жамиятнинг таркибий бўлинмаларининг ўзаро самарали харакатини таъминлайди;

жамият кузатув кенгаши томонидан маъқулланган ва умумий йиғилиш қарори билан тасдиқланган бизнес режада кўрсатилган миқдорларда фойда олишни таъминлайди;

жамиятни ривожлантириш дастурлари ва бизнес режалари ишлаб чиқилишига раҳбарлик қилади, уларни ташкил этади ва бажарилишини назорат килади;

жамиятнинг фаолиятида қонун хужжатлари талабларига риоя қилинишини таъминлайди;

амалдаги қонунчиликка мувофиқ жамиятда бухгалтерия ҳисоби ва ҳисботининг ташкил этилиши, зарур холати ва ишончлилигини, йиллик ҳисботлар ва бошқа молиявий ҳисботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа маълумот олувчиларга юбориладиган жамият фаолияти тўғрисидаги маълумотлар тақдим этилишини таъминлайди;

жамиятнинг молия-хўжалик фаолияти тўғрисидаги хужжатларни жамиятнинг кузатув кенгаши, жамият аудитори талабига кўра тақдим этади;

жамият ҳисботларини тегишли давлат органларига тўлиқ ва ўз вақтида тақдим этилишини таъминлайди;

жамиятнинг тижорат сирини ташкил этувчи ахборотларни сақлайди, агар бундай ахборотни учинчи шахсларга бериш унинг вазифалари доирасига кирмаса;

жамиятнинг тијорат сирини ташкил этувчи маълумотлар рўйхати жамият бошқарув раиси томонидан белгиланади;

хизмат ёки тијорат сирини ташкил этувчи ахборотнинг жамият ходимлари томонидан сақланишини таъминлайди;

жамият ишчи ходимларини ижтимоий химоя қилиш мақсадида уй жой ва зарурӣ эҳтиёҷ бўлган мулкларни сотиб олиш учун, уларга қайтариб бериш шарти билан 10 миллион сўмгача молиявий ёрдамлар кўрсатади;

жамият бизнес режасида белгиланган хомийлик маблағлари доирасида _____ миллион сўмгача бўлган хомийликларни мустақил амалга оширади;

жамиятни малакали кадрлар билан таъминлайди, жамият ходимларининг билими, малакаси, тажрибаси ва қобилияtlаридан энг яхши фойдаланиш чораларини кўради;

жамият ходимларининг ижтимоий кафолатларига риоя қилинишини ва улар меҳнатини муҳофаза қилишини таъминлайди;

ўз ваколатига тегишли ишларнинг холати тўғрисидаги ахборотни акциядорларнинг умумий йиғилишига ва жамият кузатув кенгашига белгиланган муддатда тақдим этади;

жамият акциядорларининг умумий йиғилишида қатнашиш, дивидендлар ҳисобланиши ва тўланиши бўйича акциядорларнинг барча ҳуқуqlарига риоя қилади;

банкларда ҳисоб-китоб ва бошқа рақамлар очиш;

асосий тузилмавий хизматлари ва бўлинмаларининг раҳбарлар орасида мажбуриятларни тақсимлаш ва ходимлар иш мажбуриятлари бўйича қўлланмаларни тасдиқлаш;

Ўзбекистон Республикасининг амалдаги қонунчилигига ва бошқа қонун ости ҳужжатларига ҳамда жамият ички ҳужжатларига риоя қилади.

4.11. Бошқарув раиси қўйидагиларга мажбур:

жамиятнинг йиллик бизнес-режалари, акциядорлар умумий йиғилиши ва кузатув кенгаши қарорлари бажарилишини таъминлаш;

жамиятни малакали ходимлар билан таъминлаш, ходимларининг билимлари, малакаси, тажрибаси ва қобилияtlаридан самарали равишда фойдаланиш бўйича чораларни кўриш;

жамият ходимларининг ижтимоий кафолатларига риоя қилиниши ва меҳнати муҳофаза қилинишини таъминлаш;

жамият ва унинг ходимлари томонидан жамият фаолиятида қонунчилик талабларига риоя қилинишини таъминлаш;

жамиятда бухгалтерия ҳисоби ва ҳисботининг тегишли ҳолати ва ҳаққонийлиги ташкил қилинишини таъминлаш;

бир йилда бир марта акциядорлар умумий йиғилишида йиллик ҳисботини тақдим этиш;

ҳар чорақда кузатув кенгаши олдида жамиятнинг йиллик бизнес-режаси бажарилишининг ҳолати тўғрисида ҳисбот бериш;

тегишли органлар, акциядорлар, кредиторлар ва оммавий ахборот воситаларида жамиятнинг ҳар йилги молиявий ва бошқа ҳисботи, фаолияти тўғрисидаги ахборот ва маълумотларни ўз вақтида тақдим этилиши ва чоп этилишини назорат қилиш;

акциядорларга қонунчилик билан бериладиган ҳуқуqlарини ҳимоя қилишини таъминлаш;

маъмурий харажатлар ҳисоби ва бошқалар билан тасдиқланган маблағлар доирасида мол-мулкни сотиб олиш ва харажатларни амалга ошириш;

шартномалар бўйича мажбуриятларнинг ижросини таъминлаш;

қонунчилик ва мазкур уставга мувофиқ бошқа мажбуриятлар.

4.12. Жамиятнинг қолган ижроия органи аъзоларининг ҳуқуқ ва мажбуриятлари тегишинча қонун ва бошқа қонун ҳужжатларида, мазкур уставда ҳамда уларнинг ҳар бири жамият билан бир йил муддатга тузадиган шартномада белгиланади.

4.13. Ижроия органининг аъзаолари ўз хуқуқларини амалга оширишда ва ўз мажбуриятларини бажаришда жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

4.14. Агар бир нечта шахс жавобгар бўлса, уларнинг жамият олдидаги жавобгарлиги солидар жавобгарлик бўлади.

4.15. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган жамият бошқарув аъзолари жавобгар бўлмайди, бундан қонуннинг 90-моддасида белгиланган ҳоллар мустасно.

4.16. Жамият ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) жамиятга етказилган зарарларнинг ўрнини қоплаш тўғрисидаги даъво билан жамиятнинг ижроия органи аъзоси устидан судга мурожаат қилишга ҳақли.

V. ИЖРОИЯ ОРГАНИ АЪЗОЛАРИГА ҲАҚ ТЎЛАШ ВА РАҒБАТЛАНТИРИШ

5.1. Жамият ижроия органи аъзоларининг ойлик маошлари, улар билан тузиладиган ишга ёллаш тугрисидаги меҳнат шартномасида белгиланади.

5.2. Ўзбекистон Республикаси Вазирлар Махкамасининг 2015 йил 28 июлдаги 207-сонли қарори билан тасдиқланган «Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонлари тўғрисида»ги Низомнинг IV бўлим, 24-бандига мувофик, жамият ижроия органининг бошқаруви раиси ва аъзоларини тақдирлаш бизнес режада назарда тутилган, жамият ижроия органи бошқаруви раиси ва аъзоларини моддий рағбатлантириш пули миқдорини ижро этувчи орган самарадорлигининг йифинди кўрсаткичи (СЙК)га кўпайтириш йўли билан аниқланади.

Жамият бизнес режасида жамият ижроия органинг раҳбари яъни жамият бошқарув раисига ёки унинг вазифасини вақтинча бажарувчисига хар чоракда меҳнатга ҳақ тўлашни энг кам миқдорининг 30 (ўттиз) баравари, жамият ижроия органининг қолган аъзоларининг хар бирига меҳнатга ҳақ тўлашни энг миқдорининг 20 (йигирма) баравари ҳамда йил якунига кўра жамият ижроия органининг жами аъзоларига жамият соф фойдаси миқдорининг 5 (беш) фоиз миқдорида рағбатлантириш пули назарда тутилади ҳамда жамият ижроия органи ва аъзоларини моддий рағбатлантириш пули миқдорини ҳисоблашда ижро этувчи орган самарадорлигининг йифинди кўрсаткичи (СЙК)га кўпайтириш йўли билан амалга оширилади.

5.3. Ижро этувчи орган фаолияти самарадорлигини баҳоламасдан ёки унинг фаолияти қониқарсиз ёки паст даражада деб эътироф этилган тақдирда устамалар белгилашга, мукофот пули ва бошка моддий рағбатлантиришларга йўл қўйилмайди.

5.4. Жамият ижроия органининг фаолияти самарадорлигини баҳолаш хар чоракда амалга оширилади.

5.5. Кузатув кенгашининг қарорига асосан ижроия органи фаолияти самарадорлиги қўйидагича этироф этилади:

СЙК миқдори 40 фоиздан кам бўлса - қониқарсиз;

СЙК миқдори 40 фоиздан 60 (ушбу даражада ҳам киради) фоизгача бўлса - паст даражада;

СЙК миқдори 60 фоиздан 80 (ушбу даражада ҳам киради) фоизгача бўлса - етарли даражада эмас;

СЙК миқдори 80 фоиздан 90 (ушбу даражада ҳам киради) фоизгача бўлса - ўртача даражада;

СЙК миқдори 90 фоиздан 100 (ушбу даражада ҳам киради) фоизгача бўлса - етарли даражада;

СЙК миқдори 100 фоиздан ошса - юкори даражада.

5.7. Жамият ижроия органи аъзоларига тўланадиган ойлик маошлари ва ушбу низомнинг 5.2.бандида назарда тутилган рағбатлантириш жамият ишлаб чиқариш фонди ва даромадлари хисобидан амалга оширилади.

5.8. СМК, СЙК ва уларнинг йил якунлари бўйича бажариш хисоби аудиторлик ташкилоти томонидан, йил якунлари бўйича аудит ўтказиш тўғрисидаги шартноманинг алоҳида қўшимча предмети доирасида, профессионал консалтинг хизматлари кўрсатиш йўли билан текширилади.

Текшириш натижаларига кўра илгари хисобланган (СМК, СЙК) миқдори ва уларнинг бажарилиш фоизларига зарур аниқликлар киритилади. Агар СМК, СЙК миқдорига ва уларнинг бажарилиши фоизларига киритилган аниқлаштиришлар натижасида ижроия органи раҳбари ва аъзоларига тўланадиган тўловлар миқдорини яхшилаш учун уларни қўшимча равишда хисоблаб чиқиши зарурлиги аниқланганда мазкур ижобий фарқ хисобот йилидаги иш якунлари бўйича уларга тўланадиган рағбатлантириш пуллари тўлананаётганда тўғриланади.

5.9. СМК бўйича аниқ маълумотларни ўз вақтида тақдим этилишига ва ходимга тўланадиган иш ҳақининг белгиланиши ва тўланиши масъулияти ушбу 5-модданинг шартларига мувофиқ акциядорлик жамиятининг биринчи раҳбарига ва бош бухгалтерга юклатилади.

5.10. Ижроия органи аъзоларига чораклик ва йил якуни бўйича рағбатлантириш чорак ва йил якуни бўйича бухгалтерия хисоботлари якунлангандан кейин амалга оширилади.

5.11. Рағбатлантириш учун бериладиган маблағлардан қонунда белгиланган тартибда даромад солиғи ва бошка мажбурий ушланмалар ундирилади.

VI. ИЖРОИЯ ОРГАНИ АЪЗОЛАРИНИНГ ЖАВОБГАРЛИГИ

6.1. Агар жамият ижроия органи аъзоси акциядорлик жамияти томонларидан бири хисобланган битишуvdan молиявий манфаатдор бўлган тақдирда, у қарор қабул қилингунча ўзининг манфаатдорлиги тўғрисида хабар беришга мажбур ва овозга қўйилганда қатнашмайди.

6.2. Жамият ижроия органи аъзолари уларга хизмат мавқеи билан берилган хукуқларидан ўзлари меҳнат муносабатларида бўлган юридик ва жисмоний шахсларнинг мақсадлари манфаатлари йўлида фойдаланмасликлари керак.

6.3. Жамият ижроия органи аъзолари акциядорлик жамияти мол-мулкини тасарруф қилишдан шахсий фойда кўриш бўйича харакатларга йўл қўйилмаслиги керак.

6.4. Жамият ижроия органи аъзолари аъзолик даврида фаолияти акциядорлик жамияти маҳсулотларини сотиш ёки хизматлар тақдим этишда қийинчилик туғдирадиган корхоналарни таъсис этишда қатнашиш хукуқига эга эмаслар. Жамият ижроия органи аъзоси акциядорлик жамиятида лавозимга тайинланганда ижроия органидаги ўз иштирокини тўхтатиши ва бу тўхтатиши тўғрисида акциядорлик жамияти кузатув кенгашини хабардор қилмоғи лозим.

6.5. Акциядорлик жамияти ижроия органи аъзолари ўз вазифаларини бажармаганлиги ёки зарур дараҷада бажармаганлиги, натижасида жамиятига етказилган заарар учун Ўзбекистон Республикасининг амалдаги қонун хужжатларига ва жамият уставига мувофиқ акциядорлик жамиятига етказилган заарни қоплаш бўйича тўлиқ хажмида акциядорлик жамияти олдида жавоб берадилар.

6.6. Агар бир нечта шахс жавобгар бўлса, уларнинг жамият олдидағи жавобгарлиги солидар жавобгарлик бўлади.

6.7. Жамиятга заар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган жамият бошқарув аъзолари жавобгар бўлмайди, бундан қонуннинг 90-моддасида белгиланган ҳоллар мустасно.

6.8. Жамият ёки жамиятнинг жойлаштирилган оддий акцияларининг хаммаси бўлиб камида бир фоизга эга бўлган акциядор (акциядорлар) жамиятга етказилган заарларни қоплаш тўғрисида жамият ижроия органи аъзоларига ёки акциядорлик жамияти ижроия органининг айрим аъзоларига нисбатан даъво билан судга мурожаат этишга хақлидир.

